

保定府志

第十一冊 卷二十八卷二十九  
學校

保定府志卷二十八

禮政略一

學校一

學校一

府學并圖  
唐縣 博野 清苑

滿城

安肅

定興

新城

保定府學

文廟在府治東南舊在府治北宋熙甯四年建

據碑記補

元至元二

十年順天路總管萬戶張柔移建今地至正十年廉訪使宗紹

明重修明正統十一年知府常景先增葺成化二年知府張律

重修十七年知府沈純始製樂器宏治四年知府趙英修明倫

堂十六年知府董傑嘉靖九年知府屠澐十五年知府汪堅四

十二年知府嚴清各有修葺萬曆十年僉事曹子登知府張振

先濬泮池十五年知府查志隆李楠同知王之土重修二十四

年知府杜潛起翼樓擴學地

明鄭洛有記

天啟七年知府魏尙賢祝

萬齡重修

舊志

國朝康熙三十八年巡撫李光地六十年知府馬兆辰雍正三年總督李維鈞四年總督李紱先後增修

雍正通志

道光七年總督

那彥成布政使屠之申重修

府册

元郝經順天府新修孔子廟碑天不言之孔子孔子能言之天天垂象萬物本焉孔子立德萬世師焉故天極神孔子極其聖郊祀天廟祀孔子禮冠百神宜矣按漢史高皇帝過魯以太牢祀孔子則孔子之廟祀於戰國先秦尙矣至高帝始以帝王親祀焉於是孔子之道尊與天同繇漢以來載在祀典以及於今自京師郡國州縣皆爲立廟自天子大臣方伯守令師長皆師而祀之封爵爲王象設南面被袞冕服登龍禮秩一如天子諸弟子爵爲公侯各以服章配享禮秩一如諸侯敷天之下祀事之盛無與侔也夫人之尊莫尊於帝神之尊莫尊於天帝王受命有天下郊祀之際則以其祖配天蒸嘗禘則於廟然止一代一姓而已秦不祀周漢不祀秦魏不祀漢孔子無土不王未嘗受命以一儒者歷代祀之配天不已然後知道之尊有甚於位乃以萬世爲土焉順天故清苑縣置於隋唐間爲鄭州屬邑宋初置保塞軍以其趙氏之故冢在焉故縣比豐沛升爲州曰保國朝奄有中夏今萬戶張公柔自滿城建

牙於保開斥土宇西盡常山東出瀛博南踰滹沱背負涿  
易自爲一道統城州仍河南諸道詔賜名曰順天開大率  
府焉初州之廟學在保塞故埋之北及公開府則夾兩闕  
闕囂塵空閑殆非清廟居神之所且文廟宜在文明之地  
在辰爲巳遂於東南得爽塏地謀遷神居鳩工賦役殿廡  
一新講肄之舍庖藏之所游息之地比次具舉高廣其舊  
幾於倍蓰歲戊午告成迎神於新廟仲春上丁釋奠以落  
之公之嗣子宏略攝領率府而被服如諸生尊禮先輩向  
學事師甚謹而文請於經以文其事經爲之言曰觀於海  
者難於水遊於聖人之門者難爲言以孔子而稱堯猶曰  
大哉蕩蕩乎無能名矧以眾人而稱聖人哉且得聖人之  
道者則有顏淵氏傳聖人之道者則有子思氏述聖人之  
道者則有邵雍氏經何人之道者則有韓愈氏贊聖人之  
道者則有邵雍氏經何人之道者則有韓愈氏贊聖人之  
本聖人之道所以配天而廟食之所自以序其事然非經  
之私言聖人之所自道也曰天生德於予桓魋其如予何  
曰天之未喪斯文也匡人其如予何每以天自處故生則  
代天爲言沒則配天廟享堯仁如天孔子道如天昭布森  
列萬世一天洋洋乎其上吁可畏也爲之詩以歌咏聖人  
之門云維天之命於穆不已有開必先之詩以歌咏聖人  
古代天爲言六經垂世道同夫天皇帝王霸氣數是會集  
聖而成所以爲大父父子君君臣臣三綱五常所以爲  
人祖述堯舜憲章文武以教爲位以德爲土彼天吾仁彼  
君吾師建極立心萬古是資天子北面廟食帝享泰山梁

木萬世是仰燕趙之交保為之衝今同齊魯巋如新宮矯  
矯虎臣文武兼備顧視眈眈敢儒為戲小子作頌敬揚休  
風刻之廟門道在乎中至元二十一年夏日立按至元  
二十一年在郝經卒後九年此是立碑年月文中言歲戊  
午是太宗八年文

應作於此時侯考  
元闕名保定路孔子廟講堂記皇上天縱神聖妙覽百代

謂儒者守三綱五常之道如握斯固若六字一倫變俗於  
是軼唐宋髣髴周漢大布取士之法天下長吏翕然下

子詔而多士斐然得才進矣保定密邇京畿承下字風  
為最先適總下字朝久矣雅識上意所嚮曰從事學官

口瞻齋廬不稱施設而講堂卑陋甚舍榮禮下字周還  
之位舍不廣何以為弦誦游息之所帥無以傳其道弟子

無所口其業下字吉經歷馮仁敦匠盡撤其蔽而一新  
之為堂七間承堂之房二間下字堂榜曰明倫齋西曰

日新東曰時習教授學正學錄曰有官而厨下字神宇  
役凡五月在延祐三年春暨秋冬以資郡之別錢而民不

告勞下字田九百九十晦于宜歲食其入又子母錢萬  
貫月取某口口建始末遣學正王文若來屬愚記郡得賢

守百廢以興方國之所須者賢才也賢才何自而出哉養  
固為才教詎可口口術而勤者何業下字上固曰儒者

固守綱常之道淵乎大哉聖言之切也而經傳所述誠不  
是過師者苟能明此弟子苟能勤諸下字有以副明詔

矣往年下字十賜進士及第出身燕池南蓋可數也豈清

謹之士懷良抱奇不肖邪明年將定見之嗚呼道乎小無  
內而大無外學無方而進有序一君君子此焉修也而  
忠臣烈士國家有以收其效矣登夫堂而講之者舍是何  
講哉故曰學以明人倫一也真有儒者雖不見用沒  
世無悶保人士尚勉之哉保之守尚益勸之十西人  
佐其役者副達魯花赤哈答治中塔刺海府判韓時麟推  
官張琬趙貞知延祐三年冬十一  
月二十日立大司徒郡人張珪書  
元王宗哲保定路重修宣聖廟學記略至正己丑之歲闋  
道太監月魯鐵穆爾來監保路河西隴西道肅政廉訪使  
宗公紹明來為總管二公皆以守令選除是任協恭承宣  
庶務咸理尤以學校為重而圖究焉載稽郡之廟學重建  
於宋熙甯四年逮我聖朝混一至元間移建於今所歷年  
滋多風雨震撓昔官茲者或以時詘舉贏未遑繕葺二公  
相與言曰學校興行吾職也廟宇弊壞不修亦吾責也今  
歲事有成民汭小康其可弗亟更飾自逸耶乃為割俸幣  
二千緡謀諸僚佐同然一辭復得幣一千五百緡勸於士  
夫右族與羣有司之樂施又一千五百緡度其足用即量  
工命日而使梓人掄材陶人埏埴凡金石繪塑巧鏤與夫  
徒庸之人莫不各執藝以待事於是召錄事李克誠告之  
曰廟學興修事重費夥非其人並緣為姦事治功省非汝  
不可其為我董之乃五月既望庀役授工作晨息暮殿之  
敝以扶城之壞以補丹雘之黯暗以鮮棟梁栒桶之弗任  
枝拄者更以美材齎舍堂庶之不蔽風日者撤而改作以

神門為疎漏則陶瓦而新之以靈星為庫廡則增垣墮而高之其兩掖垣舊以土築而今則以甄仰瞻周視甲然一新是役也錄事以進士入仕廉勤仁恕素得士民心督率以躬故人悅於趨事綜理周密故民賴以弗擾二公既知所安任又時至勞而勉之故人愈勤而卒成厥功乃十月戊子告成又明年庚辰致事祕書監丞臧郁等將刻諸石遂界陰陽教授楊世英走京師求記

宗哲郡人也敢不執筆以為後勸

明蕭鎡保定府重建先聖廟記略保定郡學大成殿稽之石刻肇自宋熙甯四年而修於元至元至正之間歷歲既久日以頽壞兼之制度庳隘不足以安明靈起瞻仰正統九年教授白琮乃以其事言於府繼達之朝請改作之於是郡自太守太原常公景先暨諸僚屬寔董其役衛自大甯都指揮同知王公昇以及參佐咸出資相其成而三學凡在教職者亦皆協力贊襄之庶謀既同眾工偕作經始於正統十年之冬而落成於十一年之夏蓋自舊廟凡五間今增為七舊廡東西凡十四間今增為十八中門外各三庫如門之數而牲房倍焉凡其規模地位視昔益加深廣而土木堅好丹漆鮮冶瓌傑闕麗言言翼翼邦之人士莫不瞻顧咨嗟以謂是廟之修自至元迄今百七八十年未有若此之壯觀者是不可無刻石以紀其盛時正統十四年六月上澣也

明劉吉保定府學大晟樂記大晟樂祀先聖孔子之樂也國朝集禮祀孔子仍用大晟登歌樂蓋因前代之舊而損

益用之也孔子之祀徧天下禮樂之設久矣茲獨記其樂者何記樂之始製也河北自五秀之季歷宋迄元屢經兵燹雖我朝建都於幽而畿內廟祀雅樂猶缺蓋至今而始製故記之也記之則所謂禮樂百年而後興者不其可信歟曩余在禮部與同寅鄒公每歎乎此適廷臣有言郡縣祀孔子多不備樂宜令創製者遂斟酌覆請詔從其言下列府而列府任民牧者鮮能祇奉德意以致移風易俗之盛舉閭寂無聞尤可歎也乃成化戊戌淮陰沈侯純由刑部郎中擢知保定府事蒞政之初卽訪民瘼謹權量審刑獄勸農桑修學校凡治道當務者悉次第行之越五年庚子民心太和民俗丕變闔境之內無復鬪械之習雖水旱連歲而郡獨有嘉禾之瑞蓋和氣之應也侯旣盡心民事一日謁廟詣學因言及禮樂歎曰凡釋奠於先聖先師必有合樂今朝廷所降式存具而部符又下仍乏樂以侑薦饗可乎眾咸曰茲實缺典修而行之惟我侯是望侯曰諾卽捐俸資購羨材鳩良工擇日興事惟艱得磬石會郡人南鵬守鳳陽求諸泗濱以足之於是考其形制度數課其勤惰凡工之磨鑄暴凍斲冒鏤削之惟謹而器之侈弇厚薄倨句股博長短沈測之中節悉以法故不數月而告成懸有荀虞舞有容列擊拊以詠八音咸備爰自京師請知音者擇俊秀俾教習之越辛丑之春二月丁祭牲醴旣具侯乃盛服將事登降裸獻罔不中度樂音之和與禮節相應時陪祀執事之人及在城衣冠士庶園洋橋而觀聽者奚翅數千計咸曰我邦文物自茲益盛他郡誠未有也莫

不懽忻踊躍人與其和敬之心益篤其慈良孝友之念其  
 仕於外而聞之者又莫不幸鄉邦文物之化有徵也於是  
 教授汝南羅綱感侯之意具述顛末請紀其成余惟禮樂  
 治天下之具不可一日而無然古禮雖缺天秩天敘行乎  
 人倫日用之間者猶可察識以復古樂一廢其聲律儀物  
 非素講貫者不能知此侯之製樂深有可取也抑古以樂  
 教人而收成德之效不徒奉祀而已語云製樂必本黃鍾  
 之律君子無過不及之中德為眾行之本亦猶黃鍾不清  
 不濁之中聲為眾律之本又云禮濟虛樂捐益禮樂並行  
 則天地鬼神萬民百物乃得其和是皆先儒之格論學者  
 而和此則於中德在所當勉為政者而知此則於事神治  
 人和平之效在所當求製樂之意夫豈無所補乎是為記  
 丑冬十七年歲次辛

丑冬十二月吉日立

明高燿保定府重修廟學記保定郡之有廟學舊矣肇自  
 正統中郡守常公景先因舊修葺迄於成化宏治正德嘉  
 靖之間先後來守郡者相繼增飾而廟學益以崇麗凡得  
 瞻仰者咸謂甲於他郡云嘉靖癸亥郡守嚴公清移置更  
 創復為鼎新維時郡博王承志等徵言於余余已為記之  
 石矣萬曆乙亥四月望忽罹回祿之變自明倫堂以至儀  
 門齊庫悉為煨燼瓦礫惟文廟屹然獨存若有呵護之者  
 於是郡守劉公請於撫院孫公按院賀公學院梅覆瓦級  
 輒則皆易之以新堂齋門庫巍然煥然凡四閱月而工告  
 成郡博陸君坦又屬余為之記尙未有以應也而劉公以

遷秩去郡守賈公繼至精勤蒞政百務具舉而於學校尤  
倦倦注意焉詣學宮顧瞻廟貌未新憮然曰是可以奉神  
靈肅駿奔哉乃益修葺首濬泮池之隘塞而兩廡戟門與  
夫綽楔繚垣之傾圯者咸爲補飭其夫役則取諸公家之  
卒而不告勞其經費則取諸商稅之餘而財無濫用工始  
於丁丑年五月要其成未閱月也而輪奐視昔加美焉於  
是署學事司訓王君熙等又速余記其成余觀昔魯僖公  
之修泮宮其事本重卽用民非勞也而春秋遂不書文翁  
在蜀起學宮於成都市中招下縣子弟以爲學官弟子爲  
除更徭而史氏侈爲美談豈非以學校王政之本所宜首  
重孔子萬世之師所以尊崇也哉我國家誕敷文教薄海  
內外皆有廟學其所以崇聖道育才賢者至矣使廟學廢  
而不修則長民者之過也旣修而無教則官師之過也教  
而復玩以愒則士類之過也旣修而無教則官師之過也教  
輔首善之地郡守劉公賈公前後踵至敦重學校相繼修  
飭學宮文廟巖巖翼翼一時煥乎其維新矣爲師弟子者  
可以不講自新之學乎夫先王本道德禮樂經術以進士  
而士之郡於學校者必以道德禮樂經術爲務則風俗純  
而教化美願世之士其下焉者事佚游崇怠荒狎智慧固  
罔知自新之學而其所謂學者不過習於章句佔畢志於  
聲利榮名其高等者亦爲驚文詞之博矜廉隅之節而不  
知反求於道德禮樂則今之所謂學者雖其自爲且未善  
也風俗何由而純教化何由而美哉保郡之士不下四百  
人固多知自新之學者自是當思廟學甲於他郡而求所

以稱之相與修身治心以道德禮樂經術相磨切瞻仰乎  
 殿廡則如見聖人而期為聖賢之徒藏修於齋堂則如入  
 孔室而講明聖賢之道居則端其業以自新仕則致其用  
 以新民毋徒事乎佔畢聲利以為進身之階其為風俗純  
 而教化美有光國朝人文之盛而於二公作新之意亦不  
 負矣劉公名泮廣陵人賈公名仁元萬泉人其同心協贊  
 則二守城武李公以謙總其出納者則清苑尹曲沃李君大  
 節推魚臺李公以謙總其出納者則清苑尹曲沃李君大  
 嘉而經歷顧承善縣丞孫奉先則董其役者  
 也法皆得書書之萬歷六年戊寅春三月

明高燿重修保定郡學泮池記保定畿輔鉅郡學自宋元  
 肇建迨我朝崇儒重道闡教右文前後來守郡者率先學  
 校睹傾圯焉而修葺之睹庠隘焉而增飾之廟貌學宮屹  
 屹乎規模閎麗矣獨泮池名雖存而水則竭也郡學師弟  
 子因以請於郡守張公欲借一畝泉之水引入城為泮水  
 公曰諾歲壬午適多士大比之期泮池風氣攸萃不可以  
 無水蓄諸其中遂聞之撫院辛公按院敖公兵道曹公咸  
 報可檄下如議興事公乃命清苑令劉君汝立督閩衛縣  
 幕相度地形區畫河渠由吳家灣河引水入西城水門達  
 古蓮花池分流入郡學泮池郡學之北有清苑邑學疏鑿  
 泮池得雙壁帶依然熒熒嘻異哉可以徵張公造士之心  
 矣郡學泮池舊惟一渠渠之南北有女牆湫隘於前不可  
 以觀公則開濬月池通水於其中移壁於其南其水復入  
 都司學泮池過聚奎樓出南水門東注清流漣漪繚坦爽

塏泠泠乎真挹清抱秀爲風氣之攸鍾乎工興於萬厯十年二月不越月而告成郡司學教授王道等各率其學之弟子徵余爲記勒諸石余惟學校之設王政首務人才盛衰教化隆替風俗純駁胥於此焉繫之而泮池則氣脈所關尤爲特重昔魯侯修泮宮在春秋則不書非以卽用民力不爲勞重其事也在詩則頌之一則曰在泮獻鼓一則曰在泮獻功重其地也詩又曰薄采其芹薄采其藻芹水泮池莫若蓄水蓋彰彰乎較著矣張公引水入泮有以哉有以哉夫學校以養士而士之羣於學校者固宜經術道德相磨切師之所以爲教士之所以爲學者此其要也泮宮之制旣備使士之羣於學校者若徒曰地靈矣人無弗傑水秀矣文無弗宏詡詡焉而不學其學焉又不善學但習於章句佔俾而不精於經術志於聲利榮名而不本於道德則人才何由而盛其不負張公引水之意者幾希矧保定故燕趙地自古多慷慨士上旣引水入泮作興鼓舞以重士而士之羣於學校者顧可不知所重乎自是當淬磨砥礪誦詩讀書務精於經術修身治心務深於道德居則講明聖賢之所學以芥拾高第任則效法聖賢之所爲以樹立殊勳以求無負張公之意以應邑庠雙璧之奇使人皆曰保定士興起於道德經術而人才彬彬者自張公振作始又使人皆曰張公端軌物樹風聲人才由此彬彬矣士賴公以興公得士以重保定郡學豈不盛哉張公名振先號望湖浙之錢塘人同寅郡丞趙公宋興化人王公

維藩信陽人。駕侯公爽甯海人。楊公守介高陵人。節推  
孫公瑀漢陽人。皆協贊視厥成。而周旋於其間者。則清苑  
令劉君汝立。董其役者。則典史袁國相也。其它分理者。非  
專於泮也。故茲不具書。萬曆十年歲次壬午秋九月立。  
明劉行素重修保定郡庠記。略保定畿輔首郡。設有孔廟。  
儒學宏治間。郡守張公元電嘗修之。厥後歲久風雨爲患。  
不無傾圮。萬曆丁亥孟春。紹亭查公奉命來守此邦。下車  
詣學禮先師。周視廟學。見其梁桷朽腐。瓦墁滲漏。黝堊丹  
髹漫漶。彫剝非所。崇廟貌。稱居業。慨然以重修自任。迺捐  
俸鳩工。區畫指授。廟自殿廡。以至兩廡。學自明倫堂。以至  
齋房。啟聖有宮。名宦鄉賢有祠。觀德有亭。講習有所。學官  
有廨。儲收有庫。表樹有坊。周圍有垣。屋凡三十楹。坊五座。  
向之朽腐者。堅矣。滲漏者。固矣。漫剝者。新矣。輪奐異彩。丹  
碧輝煌。足以光復張公之制焉。經始於丁亥三月。至八月  
而工竣。又創小學五區。刊幼學寶訓。民間子弟。延儒訓之。  
以需其成。然查公資望已深。於本年五月陞天津兵憲。以  
行繼者無人。則前功墮矣。戊子六月。龍峯李公以刑部尙  
書。即奉特簡。繼守吾保。李公學綜淵邃。根極理要。興學右  
文。政兼舉。恐諸生障於文詞。泥於章句。味聖經。賢傳本旨。  
每朔望。謁文廟。坐明倫堂。與諸生抽籤。僉命講書。與之辯  
析。與旨必求其是。於是諸生醒然。知所趨向。於時二府次  
菴。王公因主祭。文廟。眠其音樂祭器。殘缺日禮崩。樂壞。非  
禮祀大聖所宜。捐俸命監造。鞞鞞鼓琴瑟管簫干戚。匏羽  
等笙。箎簧鐘磬。祝敵樂器。一新之。致於簞簋籩豆。犧酌鬯。

尊易資以銅爲久遠計是李公王公之心一查公之心後先相繼諸生之幸廟學之幸也於是闔學師生感激欲勒石以志

不忘  
明董復亨保定府重修儒學記略保定府有學遠莫能稽獨按所載宋唐堯臣重建州學記則熙甯四年記中所云詔革錦心繡口抽黃對白之弊而寓意經學意臨川當國時也元改州爲府至元間總管萬戶張柔自滿城建牙於保嘗一新焉有學士郝經記入明以來正統乙丑成化丁亥宏治壬子嘉靖癸亥後先守是郡者留意學校累加緣飾有蕭祭酒商文毅林文安郡人故高大司徒記蓋迄於今餘四十陽秋矣而廟頹如而堂傾如而廡而齋若有若無一切廢壞不修矣於是冠氏趙公裕峯來下車謁廟卽四顧低徊久之歎曰鄭風刺子矜翟黼嗟茂草夫非以衣冠車器所自圖風俗教化所自出不宜委之於草莽耶且此邦之部不有杜氏學乎彼卽通經好義然直布衣耳且能開壇建社令子弟握衣聽講動百爲羣不佞雖齊魯腐儒然主上所簡命二千石也獨不能率二三師儒爲諸子弟繼講將無慚負杜家布衣地下乎蓋又踰年政成民和公曰可舉矣而郡故近山馬耳魚條大茂徐無如人左右趾厥木厥石朝採夕達不須車塵馬迹之奔馳也鳩工顧役悉斥俸之餘而貳公倅焦公推熊公張公與清苑令王公左提右攜不遺餘力始甲辰三月訖乙巳正月廟廡堂齋壹與爲新走行李都門介紹司封僚陳君問記於予陳

君諱采郡人也固請余弗獲辭蓋郡故上谷范陽中山地三五以前隸軒轅額頊履內而武王分召於燕康穆二公後先以文武經緯之其爲仁義道德所淪濡舊矣燕之末也田光鞠武荆軻高漸離皆屠狗酒游人志在爲丹報秦髮指日作歌迄今讀蕭蕭易水句猶有生氣而燕始尚慷慨悲歌之名矣卽非燕之舊然未盡胥而爲夷也其後鮮卑契丹女直蒙古或據一方或主中原古昔道德仁義之理盡爲腥膻所染所謂黃金之臺口陽之館且不可得況能由康穆之迹以邇軒轅額頊之遺化乎幸當聖明在御培養鼓舞不啻軒轅額頊而諸學人生近輦轂下又有賢二千石如公力爲振作此亦千載一時也且爾鄉先達如張茂先酈道元之文學趙子都韓長公之吏才蔡澤蒯通之辨博祖士雅劉越石之節俠盧元幹祖元珍之訓誥盧子潛馮元之隱退耿伯昭慕容口藏之武功皆不敢爲汝願余非謂文學吏才等美名人間世所豔稱者士君子可一切抹撥蓋學術事業自有等而上之者堯夫之大明道之純正叔之毅靜修之定皆深於道德仁義之旨而不爲風聲氣習所囿者也此非枌榆中所稱南車北斗乎其言論風旨儼然具在惟設誠於內日之月之社之稷之乃所爲不負公更所爲不負聖天子輦轂之士也敬緣陳君以報公公當請勒之麗牲之石公名光遠己丑進士王公名用鉉崑山人焦公名蕃蓋屋人焦公名廷弼戊戌進士江夏人張公名銓甲辰進士沁水人令王公名之宋辛丑進士朝邑人萬曆三十四年正月吉日

明閭鳴秦重修保定府儒學碑記略余郡先師廟宮肇自  
宋元厯我朝張董二太守而始備壯趾崇基嶙峋瞻對比  
之海內列郡萬仞之地倍爲宏敞經今百餘年來向之道  
德宮牆之竣半落頽廢參天之柏若老龍長號敗垣蒼鮮  
相蜿而已太守魏公會創議經始未幾束裝去遂成道旁  
之舍乃郡公祝公叱鹿而來則乙丑之秋七月也瞻屬廟  
宇慨然議新顧與司李王公共任之以屬姚丞允元董其  
事始於天啟之乙丑仲春成於天啟之丙寅仲夏凡殿宇  
堂廡祠齋門牆以及內外方表無一不輪奐俱飭其中一  
材一木一瓦一石咸經寓目而付之工師非如官司營建  
塗飾耳目爲也工成屬余爲記余以龍門蘭臺二史載入  
循良之目者至今膾炙人口就論龍門所首列者無如子  
產蘭臺所首列者無如文翁當時子僑輔相鄭國輯邦交  
和上下論幣論政何者不彪炳千古而太史公獨錄其教  
子弟之功列之循良傳中以概千秋遺愛而田疇子弟之  
頌鄭人之稱子產亦若可以罄生平之拮据者然則教化  
之務古人顧不重與蘭臺載文翁則二千石也觀其化蜀  
時減省少府用度買刀布遺博士以成就蜀生又修起學  
宮於成都市中乃至漢武令天下郡國皆立學教官自文  
翁始此其文采風流點綴史冊不與農桑教化並重乎蘭  
臺氏之列循良有以也余以公之課士作人而續今日之  
循良與諸郡國誰不歌教子弟而起學宮乎嘗概論郡二  
十區繇郡學發迹者多名卿偉人數年科第較昔尤盛人  
文之氣日闢斯文之脈日長而又有郡公以維新振起當

氣數岷興之會余郡之歌樸械而彙征泰茹者又何可量也哉知府魏公尙賢中州人祝公萬齡關中人俱丙辰進士方公以藻新安人壬戌進士同知王公象復山東人通判談公嘉瑞湖廣人推官王公道直湖廣人壬戌進士清苑縣知縣黃公宗昌山東人壬戌進士縣丞姚君允元浙江人府授鍾君希顏清河人壬戌進士趙君希夔南宮人府訓王君民範文安人韓君惟玉昌平人俱皆共襄此事者也遂并書之天啟七年歲次丁卯季春吉旦立石那彥成重修保定府學宮碑記自京師至天下郡縣罔弗立學崇教化育人材導之以仁義澤之以詩書禮樂相與彈琴歌風雍容於釋菜鼓篋之際風行六宇蒸變萬類其典不誠鉅哉保定爲畿輔首善地宋熙甯四年始立有學元明間漸臻美富其建置之歲月官師之姓氏彰彰然具載志垂我

朝尊師重道典禮特隆修舊舉廢著爲令自康熙己巳以迄

雍正丙子中丞李公光地馬郡守兆辰制府李公維鈞李

公紱次第重修迄今蓋百有餘載矣乙酉冬余奉

命由陝甘再蒞茲土謁先師廟周環循視慨歷年風雨之剝蝕也思有以更新之會方伯屠君籌度工庀材令遵化司鐸郡人以議修請余傾然諾爰筮日鳩工庀材令遵化司鐸郡人祁鎮董其事由大成殿東西兩廡崇聖名宦諸祠以及尊經閣明倫堂宿廬庖福之所咸與維新輪奐規模莫不畢備王始丙戌至丁亥仲春竣事是舉也官不知費民不知役周詳審度屠君實終始之洵足以肅觀瞻而致尊祀矣